

**Spiehkastatlohpeohcamuš Deanugeaidnu 6484**

Gr 31.03.2026 § 48  
25/10.03.00.07/2026

Giddodahkii 890-403-19-6 AITTE GUODNIL, čujuhusas Deanugeaidnu 6484, lea guđđojuvvon huksenlága (RakL) 57 § mielde spiehkastatlohpeohcamuš asttuáiggevistti geavahanulbmila nuppástuhttimin sierraviessun. Guovlluidegeavahanlága (AkL) 43 § mielde oppalašlávvas sáhtta mearridit, ahte oppalašlávvguovllus dahje dan oasis ii oaččo hukset nu, ahte váttásmahtta oppalašlávva ollašuvvama (rakentamisrajoitus sá. huksenráddjehus). Huksenlága (RakL) 50 § mielde huksenlobi huksenčuozáhaga huksemii ii oaččo mieđihit dan láchkai, ahte oppalašlávva ollašuvvan váttásmahtto. Dan lassin RakL 45 § mielde báikki válljema eaktun lea ahte huksen ii hehte oppalašlávvan addojuvvon mearrádusaid ollašuvvama. RakL 57 § mielde gielda sáhtta erenomáš sivas mieđihit lobi spiehkasis guovlluidegeavahanlávvas ásahuvvon dahje dan vuodul addojuvvon ja dán lávvas ásahuvvon dahje dan vuodul addojuvvon njuolggadusas, mearrádusas, gildosis dahje eará ráddjehusas.

Báiki lea riekteváikkuhuslaš Deatnoleagi gáddeosseoppalašlávvas RA luopmovisti. Guovlu lea oaivvilduvvon luopmovisttiid huksemii. Lávvamearrádusa mielde huksenbáikki huksenvuoigatvuohta lea 120 k-m<sup>2</sup>. Huksenbáikki máttabealde lea huksekeahkes huksenbáiki sullasaš RA-mearkkain. Muđui rádjeránnjáide ii leat gáddeosseoppalašlávvas čujuhuvvon huksenbáiki. Ohccit leat ákkastallan spiehkaseami ee. dainna ahte sii barget fásta Ohcejoga gieldda guovllus ja fárreršedje vissui ássat. Jo guđđojuvvon huksenlohpeohcamuša geavahanulbmila nuppástusa mielde giddodaga bázahusčáhcevuogádaga áigot rievdadit obbagáivvos eanasillehahkan Báiki ii leat bodnečáhceguovllus.

Ohcci lea gullan ránnjaid ja daid, geaid ássamii, bargui dahje eará diliide huksenprošeakta sáhtta váikkuhit mearkkašahtti láchkai. Davábeale ránnjá 890-893-11-1 lea guođđán muittuhusa proševttas. Eará muittuhusat eai leat boahtán.

Siidomateriálan sajádattevnet ja báikekáarta. Eará materiála lea oaidninláchkai čoahkkimis.

Heivehuvvon riektarávvagat:

Alueidenkäyttölaki 43 §

Rakentamislaki (sá. Huksenláhka) 45 §, 50 §, 57 §, 64 § ja 187 §

Válmmaštalli  
Soađegili gielda

Huksendárkkisteaddji Joni Kiemunki,

Áššemeannudeaddji Gielddahoavda Kontio Päivi

Mearrádusevttohus Gielddaráđđehus miedihha ohccojuvvon spiehkkanlobi.

Spiehkkanlobi miediheami ággan lea, ahte dán dáhpáhusas eai oainne ahte huksen hehte lávvema, láva ollašuvvama dahje guovlluid geavaheami eará ordnema, iige hehte luonddugáhttema dahje huksejuvvon birrasa suodjaleami mihttomeriid ollašuvvama. Prošeakta ii oaččo áigái mearkkašahti huksema dahje muđui dagat mearkkašahti vahátlaš biras- dahje eará váikkuhusaid gv. huksenbáikkis. Dan lassin ohcci lea ovdanbuktán spiehkkanlohpaí erenomáš sivaid ja ákkaid.

Ovdan huksenbarggu álggaheami galgá ohcat aitosaš huksenlobi 2 jagi siste dán mearrádusa addimis, man gieđahallama oktavuodas dutkojuvvojit lobi miediheapmái guoski eará lágas ásahuvvon eavttut. Bázahusčáhcevuogádagat galget deavdit Ohcejoga gieldda birasgáhttenmearrádusaid.

Mearrádus

Soađegili huksendárkkisteaddji Joni Kiemunki ovdanbuvttii ášši gielddaráđdehusa lahtuide.

Evttohus dohkkehuvvui.